

კვირა, 16 ოქტომბერი 1916 წ.

რედაქციის ადრესი:
თფილისი, ოლღახ ქუჩა, № 6.

== ფასი 15 კაპ. ==


საბჭოთა

იუმორისტ.
ჟურნალი

შათრახი

№ 42

კუპრინის ლექცია



— ხაღი! ჯანაბს ხაღი... ხაღი სულელია...

რედაქციისათვის

„ეშმაკის მათრახის“ მომავალ № 43 დაიბეჭდება დასურათებული ზღაპარი
ლ. პიტიას

პირები

რედაქცია აცხადებს, რომ ზღაპარი ნათარგმნია და ამიტომ თავს ნურავინ გამოიდებს. ყველას გულდამშვიდებით შეუძლია მისი წაკითხვა.

სასურსათო საკითხი

ვინ მოიფიქრებდა, თუ უდიდესი ეკონომიური და პოლიტიკური კითხვები, საერთაშორისო და ეროვნული პრობლემები ისეთ მდებრივ საკითხთა დახურვადგებოდნენ, როგორც არის სურსათ-სანოვანის საკითხი. ვიღას ახსოვს საერთაშორისო ომი, მისი მიზეზები და მოსალოდნელი შედეგები; ვიღას ანტერესებს სრუტეები და მათი ნეიტრალიზაცია, დაპლომატიკის ოინბაზობა და სტრატეგების საქმიანობა; ვიღას სცალია დღეს დასტკბეს ინტერნაციონალის დასამარებით და ნაციონალიზმის გამარჯვებით;—ოდეს მთელი განათლებული და გაუნათლებელი კაცობრიობის გონება, აზრი და გრძნობა დაუცავს ერთ-ერთ საკითხს, რომელიც, მიუხედავად ამისა, ამაოდ ელის თავის გადაწყვეტას: ეს გახლავთ სასურსათო საკითხი.

ჩვენც იმდენათ საყურადღებოთ მიგვაჩნია იგი, რომ საჭიროთ ვთვლით გამოვთქვათ ჩვენი აზრი.

საკვირველი ის კი არ არის, რომ კუქის საკითხ-

ნი ასე აწფოთებს ყველას: ბავშვიც კი ტირის, როცა შიან

საკვირველი და გაუგებარი ის არის, რომ რაც უფრო მხნეთ, დაულალავათ, დაჩინებით და თავგამოდებით შესდგომიან ამ კითხვას, მით უფრო მწვავე ხასიათს ღებულობს იგი, იწვევება, იხლართება და ბურუსით იფარება; რაც უფრო საღდესოთ დგება ეს კითხვა, მით უფრო სამერმისოდ იღება იგი; რაც უფრო მეტი მომზრე უჩდება მას მით უფრო უნიადაგო, უტოპიური ხდება.

მწვავე საკითხია, ძნელი საკითხია—ვინ ამბობს წინააღმდეგს მგარამ ისიც ექვს გარეშეა, რომ რაც უფრო ძნელია საკითხი, მით უფრო ადვილია მისი გადაწყვეტა. ალექსანდრე მაკედონელს გორდის კვანძი უნდა გაეხსნა; ალბათ ძალიან დახლართული იყო, რომ მთელი ქვეყანა მისდგომოდა და ვერა ხსნიდა. მაკედონელმა დაჰკრა ხმალი და კვანძი გადასჰკრა. რა მოხდა? მან უეჭველათ გახსნა კვანძი, თუმცა, რასაკვირველია, არა ისე, როგორც მთელი ქვეყანა ფიქრობდა მეორე მაგალითიც ყველას მოეხსენება: კვერცი ვერავინ გააჩერა მიუყუდებლათ, ქრისტეფორე კოლუმბმა ბოლო დაუჩქეჭა და კვერცი გაჩერდა. ამანაც გადასჰკრა კითხვა, თუმცა არა ისე, როგორც მთელი ქვეყანა ფიქრობდა.

კოლუმბი დიდი კაცი იყო, მან ამერიკა აღმოაჩინა. მგარამ მის აღმოჩენილ ქვეყანაში დღეს მილიონობით მიღის ხალხი და გზა არავის ეშლება. ვითომ რა იქნება, რომ ამ საკითხშიაც კოლუმბს მივბაძოთ და სადაც რთული აზროვნება ვერას აწყობს, სადათ და მოკლეთ დავჩქეხოთ წყეული კითხვა.

ან კი რა არის აქ თავ-სამტვრევი? არ არის საჭირო საქონელი? მოვიტან. ათ. ძვირია და ხელმიუწდომელი? გავაიაფოთ. გადამალულია? გავჩხრიკოთ და აღმოვაჩინოთ. არ ელევიან? სულაც ჩამოვართვათ.

ყველა ამას ერთ დემავოგიურ მოსაზრებასაც დაუმატებთ. მარტო სირცხვილია, სხვა არა იყოსრა, რომ მეოცე საუკუნეში ხალხი შიმშილით წყდებოდეს მხოლოთ იმიტომ, რომ კითხვა ვერ მოუწესრიგებია, სურსათი ვერ გაუნაწილებია.

ჩვენ კარგათ ვიცით, რომ ჩვენსას არავინ დაიჯერებს,

კიდევ მრავალი ცირკულიარი გამოქვეყნდება, თათბირები და სიეზდები გაიმართება, რეზოლუციები შემუშავდება, მეთაურები დიწერება, — ყველაფერი ეს ჩვენ ზომაზე მეტი გეახელით,

ფოცხვერი.

კ ა ტ ა რ ა ფ ე ლ მ ტ ო ნ ი

„ავტოკეფალიის აზრის გასატანად ფართო საზოგადოებაში აკაკ-სავთხოვე მოხდენილი ლექსის, ან სახალხო პოემის დაწერა“... „სიკვილიშა აღარ აცალა მას კეთილი განზრახვის შესრულება.“

იქნება ამ აზრის განხორციელება თანამედროვე რომელიმე ნიჭიერი მგოსნის მიერ არც ახლა იყოს მეტი და უმნიშვნელო“.

(„სახ. ფურც.“ 684).

გულმოდგინეთ წაკითხული იქმნა

მგოსნებიც

შეიარაღდნენ. „ნიჭიერი“ რას მიქვია, როცა სამშობლო განსაცდელშია? საზოგადო ასპარეზზე ყველას თავისუფალი გზა უნდა მიეცეს.

აი, მაგალითად, პატივცემული გიორგი გვაზავა რამდენი ხანია არსად სჩანდა პოეზიის ცათა კაბადონზე, ახლა კი, როცა ქართული ეკლესიის საკითხი ამას უცილობლათ მოითხოვს, მგოსანმა მოიმარჯვა კალამი და დასწერა:

„საშვილიშვილო ზოემის
დაჟდა დღეს წუნად გვაზავა,
საკრო საკლეკისონ
მან მოხდენილად აზავა*)
ინტერესები თან ერთა
(მან ერთმანეთს აზავა**)

*) აზავა — შეუზავა, შეუჭერა.
**) აზავა — აქ წარმოსდგება სასტიკი ზავის ან, ე. ი. მორაგა.

და მარგალიტი სიტყვები
ჩეკუელ სიუხვით აზავა***).

ყოლად სამღვდლო ლეონიდეს რომ ვკითხოთ, ავტოკეფალიის აზრის ფართე საზოგადოებაში გატანა, მხოლოდ ნიჭიერი მგოსნების საქმეა და თუ მას დაუჯერეთ აი ასეთ მოხდენილ დასაწყისს, როგორც ზემო აღნიშნული კუბლეტია, გზა ეხშობა. მე დარწმუნებული ვარ ამ გარემოებას არ მიაქცევინ ყურადღებას ქართველი მორწმუნენი, როგორც არ მიაქცია ყურადღება უკვე მივიწყებულმა მგოსანმა სევასტიმ.

ავტოკეფალიის ინტერესი ყველა ქართველს ერთნაირად უნდა ასულდგმულებდეს, თორემ უსამართლობა იქნება მართო პეტრე მირიანაშვილს მოვახვიოთ თავს იმისთვის ზრუნვა. მე ეკვი მებადება ბ-ნ მირიანაშვილს კერძო, პირადი, ინტერესი

მგოსანი ქალი ნ. არაბულისა კეთილ მორწმუნეობით ცნობილია, და თავის უოვალოვ ლექსთა ფუძეთ მხოლოდ ეკლესია აქვს დადებული. ამიტომ არც გასაკვირია, თუ დღეს ავტოკეფალიის საკითხმა კვალად დაუბრუნა იგი მივიწყებულ სფეროს ზოებისას.

„სად ამდენი ცისეკთშია
და ნანგრევა სუდარია,
იქ ქართული წირვა-ლოცვა
უკვე აღარსად არია.
ჩუები ეკლესიის საქმე
დედა-დეთისას აზრია,
რას გვერჩიან ნეტავ ერთია,
ეს ხალხი რამ გადარა“.

და განა მართო ქ. ნ. არაბულისა გამოცხმაურა
კეთილ სურ-

***) აზავა — ამ შემთხვევაში წარმოსდგება დაზავების-გან, ე. ი. უხვად დაფრქვევისაგან.

ილს?! ბერს მკვდარიც ეგონა მგოსანი ნიკო ბრე-
ქიაშვილი, მაგრამ არა... წაიკითხა თუ არა მცხო-
ვანმა მოწოდება, მყისვე აღფრთოვანდა და დასწერა:

არ მომეკვდარა,
არა, არა...
ჩემში ტრფობა
ეკლესიის...
მიუვარს, მიუვარს, მიუვარს იგი...
არ მომეკვდარა,
არა, არა...
ღმერთის რწმენა
და მესიის“...

შიეძლება ეგ ლექსი მცხოვანი მგოსნისა ში-
ნაწრსით მაინცა და მაინც დიდი რამ არ იყოს, მაგ-
რამ ყველა თქვენთაგანი დამერწმუნება და ამ სა-
კითხში თვით ყოვლად სამღვდელო ლეონიდეს
შეუთანხმდება ბ-ნ მირიანიშვილს, რომ სტრიქონე-
ბი ერთობ ორიგინალურათაა დაწყობილი.

ერთმა რომლის ვინაობა, თანახმად
მისი სურვილისა, ჯერ ჯერობით საიდუმლოთ,
(ანუ მისივე ქართულით რომ ესთქვათ „ინკოკინ-
ტოთ“) უნდა დარჩეს, საკითხს პირდაპირ შეხება
თვალეზში და ცოცხალი სურათი დაგვიხატა:

„ჟეულა თეგზზე უკეთესი
კალმასი და კეფალია,

როგორც გადმომცეს ამ ლექსს უკვე ამღერებს
ვიტარაზე მთელი დასავლეთ საქართველოს ყმაწვილ
ქალობა და ღირსიც არის თქვენ თავსა ვფიცავ.

მგოსანმა ვ. ღვანკითელმა ჩვეულებრივი თანაგ-
რძნობით შეხება მღვდელმთავრის მოწოდებას და
უკვე ამოიწერა „ავტოკეფალია“-ს მისაგუებელი
როთმები, აი ისინი:

აღია, წყალა,
ნაღია, ბაღია,
ფხაღია, ხმაღია,
გაღია, დაღია,
ქაღია, ძაღია,
ვაღია, თვაღია,

საღია, ხირხიმაღია,
ჩაღია, დარღანეღია,
ბნეღია და სხვ.

ჯერ ძნელი სათქმელია თუ რას გამოიყვანს
აქედან ჩვენი პატივცემული მგოსანი, მაგრამ რომ
გამოიყვანს რაღაცას, „აკაკისებურს“ ეგ უეჭველია.

ერთი სიტყვით გამოძახილი ერთსულოვანია.
არ დარჩენილა მგოსანი ამ საკირ-ბორბოლა საკით-
ხზე ლექსი არ შეეთხზას, მაგრამ ყველას ერთად
ხომ ვერ „გამოვიტანთ ფართე მასაში“.

დანარჩენზე შემდეგ.

მორიელი.

* * *

დიდი ხანია „საქვეყნო“
საქმეს არ ვემსახურები,
მოვწყდი საერთო მივივისგან,—
მარტო და ვებანტურები.

ვინ რა ქნა, მე რას ვიზამდი,
რომ მითხრან საყვედურები.
თუ დამიჯერებთ, თქვენს ნაკლებ
ჩემს თავს მეც არ ვემღერები.

ერთგვართ გვიჩანს სუყველას
ცხოვრების საფეხურები:
მე შენ ვარ, შენ—მე, ჩვენ იგი,—
ქვეყნის ერთგვარი მღვდურები.

ერთით ვარ გამონათიში,—
დავდივარ გულ-ამღვრეული.
მჭვით ვუცქერი ყოველსა,
აწმყოა, თუ ადრეული.

ვბოვე სიამე მითი, რომ
ვილტვი მე აგრე ეული,
მეგობრის ყოლას დიდი ხნით
მე უკვე გადაჩვეული.

არც გამაჩნია ქონება
სათქმელი რამ ნივთეული.
(ნურც მქონდეს, არც შემრგებია
ნაბოძი კურცხალ ნთხეული).

ჩემი სიმდიდრე რაცაა,
ჯერ კიდევ არ დაღეული,
რა რიგ ასწიო ფასებში
სავაჭროდ გამოთრეული,

ექვს აბაზს არ ასცილდება,
 ის ვერცხლის ფასად ქცეული.
 აქ ჩამოგითვლი, ქვემოთ,
 რაცაა, რა ერთეული:
 მაქვს ქული გახუნებული,
 მე თავზე გადათხლეული,
 ტოტ წაგლეჯილი შარვალი,
 ორ ალაგს გამოხეული.

წელ ზევით,
 ბლუზას ქვეშ, რამ თეთრეული,
 (პერანგს ეტყვიან სახელად
 მდიდრები, ოჯახ ნგრეული).
 ტყავ გაფხეკილი მაზარა,
 კისერზე ჩამობნეული,
 შემომძარცვია გარემო,—
 (ბოდიში თქვენთან) სხეული.
 ვზივარ მარტოკა ოთახში,
 ვითარცა გამომწყვდეული, —
 გადაგლეჯილი მიდგია
 მაგიდა ფეხ-მონგრეული;
 მქადი ხმელი მაქვს საქმელად,
 კბილები გადალეული,
 თვალებს მიზნელებს ღამ-ღამე
 წინ გადაშლილი რვეული
 და გულს მიწყალავს სიბერე
 (როგორ ვთქვა, მარა) წყეული.

ა. ბლიკვაძე.

სარედაქციო კალათა

(ღრმა მეცნიერული წერილი)

ვაფრთხილებ მკითხველ საზოგადოებას და მით
 უმეტეს კრიტიკოსებს, რომ ეს ჩემი მეცნიერული
 წერილი არ არის დაწერილი რაიმე ჯილდოს მისა-
 ლებათ, არც სასტიპენდიო მიზნით. ვერც გავბე-
 დავდი რაიმეს დაწერას ზემოხსენებულ მიზნისათვის,
 რადგან კარგადა მაქვს გათვალისწინებული, რომ
 ჯილდოს მიღებისათვის უფრო „მარჯვენა“ ხასია-
 თის ჰანგებზეა საუბარი საქირო, მე კი საუბედუ-
 როთ (თუ უფრო საბედნიეროთ) არ მხებრხება ეს.

მე მინდა ამ წერილში ვაცნობო ყოველ პატიოსანს,
 თუ რა არის „სარედაქციო კალათა“, მისი ისტო-
 რია და მომავალი. ვინაიდან ყოველი ცოცხალი
 ქართველი მწერლად სთვლის თავის თავს, ამიტომ
 მე ვამჯობინე საყოველთაოდ გამოვაქვეყნო ჩემი
 მეცნიერული წერილი.
 მაშ დავიწყეთ.

I. კ ა ლ ა თ ა.

კალათს საერთოდ ჩვენში უწოდებენ წნელით
 ან ქილით მოქსოვილ ქურჭელს. კალათა კალათაა!
 მორჩა და გათავდა!.. მხოლოდ თუ რა არის „სა-
 რედაქციო კალათა“, ამაზე უფრო ვრცლათ არის
 საჭირო მსჯელობა.

„სარედაქციო კალათა“ წნელის მაგივრად რკი-
 ნისაგან არის გაკეთებული და მისი დამტვრევა ყოვე-
 ლად შეუძლებელია. იგი მოთავსებულია პერიო-
 დულ გამოცემის რედაქტორის მაგიდის მარცხენა
 გვერდით და რკინითვე დამაგრებული იატაკზე.
 ფურჩვე ნურავინ მოინდომებს მის დამტვრევას და
 განადგურებას, რადგან კალათს შეუძლიან სრულიად
 უვნებლათ მოიგერიოს ყოველი გაცოფებული მეო-
 სანის იერიში.

„სარედაქციო კალათა“ ძლიერ ცოდვილია.
 ამის შესახებ მქონდა ბაასი საქართველოში ჯოჯო-
 ხეთის მთავარ განყოფილების გამგე ბატონ ეშმაკ-
 თან და მან მითხრა, რომ ყოველი მიცვალებული
 „სარედაქციო კალათის“ სულს გზა ჯოჯოხეთისკენ
 აქვსო. სამოთხეში მისი შესვლა შეუძლებელია...

რამდენი მეოსანი აატირა კალათის უღმობელ-
 მა ხასიათმა!.. ზოგიერთი კალმოსანი თვისი ნაწარ-
 მოების ბედის გადაწვევტას (კალათისაკენ გამგზავ-
 რებას) რედაქტორს აბრალებს. სიცრუეა!.. კა-
 ლათს ისეთი მიმზიდველი ძალა აქვს, რომ რედაქ-
 ტორს არც კი აცლის ნაწარმოების გადაკითხვას.
 ნაწარმოები კალათის გიპნოზის გავლენით თვითონ
 მიიწევს კალათისაკენ. კალათა დიდი გაუმძღარი
 რამ არის. მას შეუძლიან საათში ხუთასამდე დიდი
 ფორმატის ნაწარმოები შთანთქას. ვინ იცის რამ-
 დენი მეოსანი ნატრობს კალათის გაუქმებას, მაგ-
 რამ ეს შეუძლებელია. მთელი ქვეყანა დაემზობა
 და კალათა კი რედაქტორის მაგიდის გვერდით იქ-
 ნება ამოფარებული. იგი დაზღვეულია ყოველი ხი-

ფათისაგან. შინაურ ცხოვრებაში კალათა მეტად გულკეთილია და რბილი ხასიათის პატრონი, მხოლოდ როცა იგი თავის მოვალეობას ასრულებს, ფორლადის, ფოლადი! ბევრჯერ შევმცდარვარ და გამოვზავნა ნაწარმოები რედაქციაში, რადგან დარწმუნებული ვყოფილვარ, რომ კალათა ისეთივე ხასიათზე იქნებოდა სამსახურში, როგორც შინაურ ცხოვრებაში მინახავს, მაგრამ როდესაც ჩემი პოეტური ნაწარმოები მის კლანჭებში დამინახავს, ნათლად დავრწმუნებულვარ ჩემი აზრის ამაოებაში.

II. კალათის ისტორია.

„სარედაქციო კალათს“ არ აქვს მაინცა და მაინც გრძელი ისტორია და არც არავის მიუქცევია მისთვის ძველ დროში ყურადღება, რადგან მაშინ მასში საჭიროება არ იყო. ჩვენში კალათები შემოიღეს მეცხრამეტე საუკუნეში, ესე იგი როცა იწყო მრავლება ვაღმოსნებმა. სტატისტიკური ცნობები იმის შესახებ, თუ რამდენი ნაწარმოები იმსხვერპლა ჩვენში კალათამ, არ არის სისწორით გარჩეული. ჩემი კვლევის ისტორიკო-ფილოლოგიური კათედრის პროფესორი თბილისის უნივერსიტეტისა (რომლის დანარსებანაც ამ სამიოდე საუკუნეში უსათუოდ მოველით) ამბობს, რომ იგი არ უნდა აღემატებოდეს თხუთმეტ მილიონს, მხოლოდ ქართულ კულტურის მოყვარულ საზოგადოების ერთ-ერთ კრებაზე მოყვამინე; მათი რიცხვი თორმეტი მილიონიაო. ჩემის გამოკვლევითაც მილიონამდე უნდა იყოს. მე თუმცა მჯერა, რომ ქართველ კულტურის მოყვარულ საზოგადოების ტრატორები არ არიან ჩვეულნი სიტუების გარდმოცემა და საერთოდ შემსენებულ საზოგადოებას პირნათლად მოჰყავს სისრულეში მიზანი*, მაგრამ ჩემს გამოკვლევას უფრო ფასს ვსდებ. სად მე, სპეციალისტი ამ გამოკვლევაში, და სად კულტურის მოყვარული საზოგადოება, რომელსაც ამ საქმის გარდასახვა საქმეებიც ბევრი აქვს ვასაკეთებელი**.

საერთოდ სარედაქციო კალათის ისტორია უფერულია, რადგან მასთან შინაურ ვერა მგოსანს ვერ აუტებსა კალა-მეყადი. ვიმეორებ იგი დაზღვეულია ყოველი ბრფათისაგან, თუმცა ვასაკვირია თუ რამდენი მისდენს რაგან
 * ვ. წყლის ნაყვამ მართლ
 ** წყლის ნაყვამ იგი

როგორ გადაურჩა იგი ჩვენ მამულიშვილების ხმალხანჯალს! აქ ჩვენ ისეთ ფსიხოლოგიურ განცდას ვხედავთ, რისიც აღსნა და განმარტება შეუძლებელია

III. კალათის მომავალი.

მომავალში „სარედაქციო კალათს“ დიდს იმედებს ვაძყარებ, რადგან დადგება დრო, რომ მისკენ გაემგზავრება არა მარტო „მგოსანთა“ ნამოქმედარი, არამედ ჩვენი ქართველი საზოგადოების ზოგიერთი „მარჯვენა“ მიმართულების მთელი ნაშრომი, დიდათ დასაფასებელი იქნება მაშინ კალათა და იმედია მადლობელი საზოგადოება ღირსეულ პატივსა სცემს მას... ბევრჯერ უთქვამთ ჩემთვის, რომ კალათი მომავალში ვერ აუვა თავისი მოვალეობის ასრულებასაო, რადგან რაც დღე გადის უფრო და უფრო მატულობს ქართველ კალმოსანთა რიცხვიო. მართლა რომ დასაფიქრებელია ეს გარემოება... მაგრამ ღმერთი მოწყალეა... ცხოვრება თვით გვიჩვენებს გზას, თუ როგორ მოვიქცეთ ამ შემთხვევაში.

დაბოლოს მადლობას ვსწირავ ყველა იმ პირთ, სახელდობრ:

პროფესორს თბილისის უნივერსიტეტისა არყოფილ არიქნების-ძე როდის მოვეხწრებით-უნივერსიტეტიშიდს, ქართულ კულტურის მოყვარულ საზოგადოებას, რომელნიც დამეხმარენ ამ წერილის შედგენაში. და ცენზორს, რომელიც იმედია არ გამაწიბილგებს და ნებას დართავს ამ წერილის დაბეჭდისას.

წერილის შედგენის დროს ვხელმძღვანელობდი შემდეგი წყაროებით:

- 1) კ. ჰ. კორკოტიშვილი—წნელი, ქილი და მათი მოვლა-მოშენება.
- 2) პროფ. თავცარიელი—მგოსანთა საშიში სიმრავლე საქართველოში და ზომები, რომელნიც იყვნენ მონდომებულნი ამ არა სასიამოვნო მოვლენის თავიდან ასაცდენათ.
- 3) ინჟ. ს. ი. კრუხი—რკინა, ფოლადი და მათი ქიმიური შემადგენლობა.
- 4) ი. ვ. დოყლაპივეგი—წყლის ნაყვა, როგორც საუკეთესო საქმიანობა ზოგიერთ ქართულ საზოგადოებისა.

მეცნიერი გუგული.

პასტარა „ვეფხისტყაოსანი“

იუმორისტი

ვითა კიტას საბჭოს ფული და გამოსცოთის იმის ბნევა;
ვით ეხლანდელ „პოდრაჩიკებს“ ტყაეის ძრობა, კუდის ქნევა,
მართ აგრეთვე იუმორისტთ ლექსთა გრძელთა თქმა და ხევა
და მწველ მწველი მათრახების აქეთ-იქით გადაქნევა.

არ უღალატოს ეშმაკსა, არ გაიტეხოს პირობა;
რა ვეღარ მიხვდეს საცინელს, დაუწყოს აზრმა ძვირობა,
ეძიოს ჩვენს ცხოვრებაში, არა ქმნას სიტყვათ მცირობა,
ხელ მარჯვედ სცემდეს მათრახსა, გამოიჩინოს გმირობა.

იუმორისტი არა ჰქვია თუ დაჯღაბნოს ერთი ორი,
თავი ყოლას ნუ ჰგონია: სერვანტეს და სეიფტის*) სწორი;
ან გალანძლოს გიმნაზიის, ან შავი ქვის დირექტორი;
შემდეგ კი დააბანჩურონ ამოსვარონ როგორც ღორი.

მეორე რიცხვი ცოტაა იუმორ მოშირეთა,
არ ძალუძთ სიტყვა გასტყორცნონ მართ გულის გასაგმირეთა;
მე ასეთები ვამზავსე ძალღების შესაყვირეთა,
ტყეში ჰკივიან, არ ძალუძთ ხოცვა ნადირთა მცირეთა.

მესამე ძლიერ კარგია იუმორი საარშიყოთ,
ბანოვანთა კრებაში სადაც იყოთ, როგორც იყოთ.
ჩვენ მითაც გვიამების რაცა ოდენ იქიკქიყოთ;
იუმორისტი არ ჰქვია, ვინაც მალე გაირიყოთ.

იუმორისტს ასე უნდა: ბოროტებას უნდა ჰკბენდეს,
კბენა უჩნდეს სამიჯნუროდ, მისთვის ცეცხლსა მოიდებდეს.
ჩვენ სატირალ ცხოვრებითა გვალხენდეს და გვაცინებდეს;
ხელს ეჭიროს მას მათრახი, ზაქი მკამლებს ცხვირში სცემდეს.

როკოკო.

*) ცნობილი იუმორისტებია.



უკველდლიური დრამა

(გუძღვნი ძალათ-პოეტს)

„თუ რომ ოხერი აგიტყდეს მუზა,
მტკვრის პირად მიდი, გაიძრე ბლუზა;
სიცხე გეჰნება, ჩაყავი თავი,—
გაგიგრილდება ეგ სქელი ტყავი“.
(უცნობი ავტორი)

ენა ჩლუნგი,
კალამ წვერ წატეხილი;
გულ დამტკნარი,
გრძნობა გადატეხილი*)
ზის მგოსანი.
უცეცხლოთ ა—გზნებული,
შუბლ მხურვალე,
პირზე ალ მოდებული.
თავში უფრენს
აზრი ფრთა გაცვეთილი**),

ხელთ უპყრია
ჩანგი სიმ გაწყვეტილი...
წინ კი უზის
მუზა კოქლი, ფეხუცა,
მუცელ-ყვაპო
ვით პატარა დერგუცა***)
ფრთა დაქრილი,
ტან დაბალი, ყვაპუზა,
ცხვირ წკიპურტა,
ყურ ნაცქვეტი, თმა-გრუზა.
მას არ ძალუძს
არც ცათ ფრენა, არც ცურვა,
არც სირბილი,
არც სიცილი, არც ურვა...
...და იმისი
თითო ფეხის გადაღგმა
ბოლოვდება
აგორებით პირ-ალმა...

თუილისის ქალთა მესამე გიმნაზიუმი



ა.ი.შლინტ-

— შენ, თეკლე, მრეცხაობისათვის დღეში 1 მან. 50 კ. იღებ ჩემის ხარჯითურთ. ამგვარათ თვეში 45 მანეთი მოგიწევს და კიდევ მომატებას თხოულობ. კლასის დამრიგებელი ქალი ჩემს გიმნაზიაში თვიურად 40 მანეთს იღებს თავისი ხარჯით. ამრიგად ჩემთვის უფრო ხელსაყრელი იქნება შენ კლასის დამრიგებლის ადგილი მოგცე.

...და მგოსანს სურს
ჩანგი ააწკრიალოს,
ზედ სიმღერა
ნაზი დააწკრიალოს,****)
ისე ტკბილი,
მომზიბვლელი, საამო, —
ყველას მოსცხოს
გულის წყლულზე მალამო...
შავრამ ჩანგზე
თითს ჩიმოპკრავს თუ არა,

(თითქოს ყელზე
ძვალმა გადაუარა!)
გაისმება მარტოოდენ ხიხინი—
არც სიმღერა,
და არც გრძნობით ქვითინი...
ის უფრო გავს
მომაკვდავის ხრიალსა,
ან მანქანის
ყრუ რახრახს და ტრიალსა.

ხან მგოსანს სურს
 ფრთა გაშალოს ფრთოსნურად,
 ფიქრს მოახტეს,
 გააქენოს მგოსნურად:
 ცის სივრცეში,
 ვარსკვლავებთან აფრინოს,
 გულს სიაშე
 ნეტარება აფრინოს...
 ...მაგრამ უპტრობს
 ძალა ურჩი, უკმეხი,—
 ძირს ვარდება
 ორივე ფეხ მონატეხი...

პოლბიპენტა.

*) წინ და წინ ვგრძნობ, რომ ზოგიერთი მკითხველი ამ სიტყვების წაკითხვაზე უეტრად შეჩერდება და აღშფოთებით წამოიძახებს:—ფუ, ეს რაა! გრძნობის გადატეხა? აბა, როგორ შეიძლება გრძნობის გადატეხა?! ის უბრალო ჩხირი ან კალმის ტარი ხომ არ არის—აიღო და გადაამტვრიო!

მაგრამ, ბატონებო, ეს მოძველებული აზროვნებაა! ჩვენ, ერთ წუთსაც არ უნდა დავივიწყოთ, რომ დღეს მგოცე საუკუნეა, საუკუნე სიმბოლიზმისა და ფუტურისმისა, როცა ყველაფერია მოსალოდნელი და შესაძლებელი. და ნურავის გაუკვირდება, ჩემს ლექსში ასეთი გამოთქმების ხმარება. ეს პროგრესია!

***) აზრი ფრთა გაცვეთილი—ამ სიტყვების შინაარსის სწორად გაგებისათვის საჭიროთ მიმაჩნია გავაცნო მკითხველი აზრს და მისი ყოფა-ცხოვრების ისტორიას.

აზრი, ბატონებო, მეტათ ლამაზი და მომჯადოებელი სულიერი ფრინველია: მას მეტათ ფართე და ჭრელი ფრთები ასხია. მისი მოკაუჭებული აღმასის მსგავსი ნისკარტი თითქმის ფოლადიდანაა გამონაქედი. ის ამავე დროს მეტათ მოძრავი, სწრაფი და ძლიერი. მისი ერთი ფრთის გაქნევა კლდეს ანგრევს, მისი სიმაღლე ცის გუმბათიდან მონაწყვეტ მეტყორის სრბოლას აღემატება... აზრის საყვარელი საცხოვრებელი ბინა კი ადამიანის თავია... მაგრამ მის წარმოშობის შესახებ მეცნიერები სამწუხაროთ

ჯერაც ვერ დასდგომიან ერთ აზრს ამის შესახებ მრავალი შეხლა-შემოხლა და სხვადასხვა მიმართულება არსებობს. ერთი ამბობს: აზრი ცაში დაიბადა, ის რაღაც უხილავმა ძალამ წარმოშვა, შემდეგ აზრს ცაში ყოფნა მოსწყინდა, ციდან გადმოფრინდა და ადამიანის თავში დაბუდდა. მეორე ამბობს: არა, აზრი ცაში კი არ დაბადებულა, ან ის რაღაც უხილავ ძალას კი არ წარმოუშვია, არამედ ის აქ მიწაზე დაიბადა და მისი წარმომშობი ძალა თვით ადამიანის მოთხოვნილება და საჭიროება იყო. მესამე კიდევ ვინ იცის რას ამბობს და მეოთხე კიდევ რას. ერთი სიტყვით სრული ქაოსი მეფობს და ამ ქაოსიდან ნათელი გზის გამორჩევა თვით მკითხველისთვის მიმინდვია. მხოლოდ ერთი კი აშკარაა, ყოველ ახალგაზდა ჯანსაღ აზრს დიდებულ ადამიანთა თავებში უყვარს ხტომა-ნავარდი და ბუდის კეთება. მთელ თავის სიახალგაზდეს და სივაჟაკეს ეს უცნაური ფრინველი ამ ადამიანთა თავებში ატარებს... მაგრამ ხომ იცით, მკითხველო, „ყველაფერი მოძრაობს, ყველაფერი იცვლება“. უღობველი დრო აზრსაც ასევე თავის დაღს, ისიც ხუცდება, ბერდება, ჩაჩანკდება, ნისკარტი უბლაგვდება და ფრთები უცვდება. ამავე დროს მათი მასპინძლები-ადამიანები დიდ უმადურობას იჩენენ მათდამი. შეამჩნევნ თუ არა სიბერეს, მაშინვე პანჩურს ამოჰკრავენ და თავის ფანჯრიდან ყირამლა გადმოუძახებენ ძირს. საბრალო აზრი! ამ დღიდან იწყება მისი ნამდვილი ტანჯვა! წიწილასავით აბუზული და ფრთებ ჩამოყრილი დაყილობს ის ქვეყნათ, სანამ ბოლოს ვინმე გულ მოწყალე პატარა ადამიანი არ გადაყრება, არ შეიბრალებს და ბინას არ მისცემს თავის მყუდრო და ცარიელ თავში. ამიერიდან ცხოვრობს აზრი ამ ადამიანის თავში და იქ ატარებს თავის უკანასკნელ სიცოცხლის დღეებს სანამ სიკვდილი არ მოუსწრებს და თქვენს ჭირს არ წაიღებს. ახლა მე მგონია თქვენთვის საკმაოთ გასაგებია თუ რას ნიშნავს „აზრი ფრთა გაცვეთილი“.

****) დერგუცა—ქვევრის მომცრო, მუცელ წამოზერილი თიხის ქურქელია. გურიაში განსაკუთრებით ყველს იხახავენ შიგ.

*****) გამოჩენილი ესტეტიკოს-კრიტიკოსების წყალობით ჯერ-ჯერობით ოთხი ჯიშის მუხა აღმოჩენილი. ჯიში პირველი—დაფრენს ცაში, პირზე მუდამ ღიმილი უკრთის, უყვარს მზის სხივებში ბა-

ნაობა და მთავრის მკრთალ შუქზე ოცნება. ჯიში მეორე—სცხოვრობს ზღვაში, მეტათ მელანხოლიკია, უყვარს მზის ჩასვლისას ზღვის პირზე ამოსვლა და ქვითინის მზგავსი სიმღერა. ჯიში მესამე—მიწაზე დახოხავს, ტლაპოში ბანაობს, ხან იცინის და ხან ტირის. ჯიში მეოთხე—არც ცაში ფრენა შეუძლია, არც ზღვაში ცურვა და არც მიწაზე ხოხვა. სხვა ამ უკანასკნელის შესახებ არაფერი იციან ჯერჯერობით. როგორც მკითხველი შეამჩნევს შემოხსენებული მუზა ამ მეოთხე კატეგორიას უნდა ეკუთვნოდეს. ყოველ შემთხვევაში, ვისაც სურს ამის შესახებ დაწვრილებით ცნობები, იხილოს ჩემი მომავალი კაპიტალური ნაშრომის მეხუთე ტომი: „მუზათა გონივრული მოვლა-მოშენება“. გამოც. 1920 წ. ქ. თფილისში.

3 — ტა.

ფოთი და შოფოთი

(„ფრანგულათ“ წაკითხული ნ. ჩხიკვაძის სალიტერატურო დილაზე ფოთში)

შფოთი, შუღლი, ბრძოლა, დავა,
ფოთმა რომ ვერ მოათავა,
არსებისას ეძებს პურსა...
მშიერ კუქის სამსახურსა
აბა ვინ არ დაულაღავს?
თუ მეპურე პურს კი მალავს
და პატრონსა სანოვანე —
კრიკე კბილი, კნიტე ბაგე.

შეხვალ ფქვილის საწყობებში,
(ამ ხელოვნურ პურის მთებში),
და შიმშილით გეწვის კუქი,
ყველა შრომა არის ფუქი,
ცალი ფქვილის შესაძენათ
ღირსი თუ ხარ, ან რამდენათ,
(ეს იმაზე შეგეტყობა
მაქანკალი ვინ მიგყოლა,
თუა საქმის მცოდნე პირი,
დაიძლევა გასაქირი),
გიჩვენებენ პურის მეფეს,
ამ ფარცუმს, თუ ხაიმ-სეფეს,

გამოგკითხვენ, ვისთვის გინდა,
ჩარჩ ბაცაცა თუ ხარ წმინდა,
თუ არ მისცემ ხალხის ღუქანს,
თუ შეგხედეს მსხვილს და მსუქანს
და არც ითხოვ ნაყიდობას,
გიცხადებენ მაშინ ნდობას!..

იქნებ ხალხმა მოგაგზავნა,
(და ეს ვინმემ გაგამყდავნა),
ნულარ ფიქრობ პურის შოვნას,
არვინ იღებს არც შენს თხოვნას,
მაშინ „პური სხვაგან მიღის,
მას მთავრობა აღარ ჰყიდის“.

ფოთი არჩენს მთელ ჩვენს მხარეს,
ჩვენზე მშიერს და მწუხარეს
სხვაგან კიდევ ველარ ნახავთ,
მულამ ვებრძვით, ვედავებით
ზოგი ძალით, ზოგი ნებით,
მარა საქმე საქმეთ მიღის,
ფქვილს პატრონი კი არ ჰყიდის,
ჰყიდის მეცხრე პარაზიტი
და პატრონი, როგორც გვრიტი
უცოდველი, უშიშარი,
დაუღია სახლის კარი
თვით უკეთეს სასტუმროში,
ხალხს თუ ქონდა ორი გროში,
მის უძიროს ავსებს ჯიბეს,
ცაზე ადგამს ოქროს კიბეს,
(უფლის ნახვა თუ კი სურდეს,
არქვას, ხალხი რათ გაქურდეს).

ჩვენ კი ისევ მივეშველოთ
ხალხის ღუქანს, ხალხის ფურწეს,
სამკვდროთ უნდა შევებრძოლოთ
მის ორგულს და აგ-მოსურწეს.
იქნებ ამან მოგვაშველოს
შაქარი და პურის ყუა,—
გაუმარჯოს ხალხის ღუქანს,
სხვა ვაჭრები ყველა სტყუა!

ბუტუნა.

გურული სენა

ზინდა მგელს ღმუხაჲივარ და ზინდა მგლისჲვარ
ქალს.

დეიწყო ვინი
თუ არა და მას მერე მე და ნესტორე სულ ცეცხლ
და თაკორაში ვართ; გამოგვიცხადეს თუ არა, — უნ-
და წახვიდეთო, მაშვინათე წვევდით, მივატიეთ, ცო-
ლი, ბაღნები, ყანა, ოჯახი და ყოლიფერი, ისე კი
არ გვიქნია, ვინცხა ვინცხები რომ იკუნჩხება-იმა-
ლება ღობის ძირში. ღმერთმა სსწაულ ქნა, რაც
ტყვია და ყუმბრები გამეისროლა ასრიელგმა და
გერმანელგმა, ყველა თავზე გადაგვაფრინდა, ყვე-
ლას გუუძელით; ბოლოს მოგვეცეს ცოტა ოტპუსკი
და შინ ჩამევედი; დავრჩით ცოტა ხანს და მერე
გამოვეცხადდით

გაგვშინჯეს და ქე მიგ-
ვიდეს. გვკითხეს: საით გირჩონიათ წასვლა, რო-
მელ ფრონტზეო. ვუთხარი ნესტორს: „ბიჭო, მო-
დი, შევეხვეწოთ, აქანაი, დაგვტოვონ ცოტა ხანს,
აქანაი, — ჩვენი

მეზობელი — როტნის კომანდეროთ, იგი კარგათ მო-
გვეპრობა,

კარგით გოუხარდა ნესტორს, მაი კაი გიფიქრიაო,
დევედრიქეთ, შევეხვეწეთ ვოინსკი ნაჩილიქს, დაგ-
ვტოვეთ აქანაი, ჰაწა ხანს თქვა... ააშენა ღმერთმა,
ქე დაგვტოვა პოლკში. ცაზე მიგვისტვა

ხელი სიხარულით... მივედით, ვიფიქრეთ, ჩვენი კა-
ცია, გუუხარდება ჩვენი მისვლა მეთქი. გუუკეთეთ
ჩესტი და მერე ხელის ჩამორთმოვა შევიდომეთ...
„სმიირნა!.. ნე სმეიტო“ გვითხრა. მინავათ ვაში
ბლადაროდია თქვა უთხარით და გამოგბრუნდით
უკან. ნესტორმა მითხრა, ბიჭო, რაყდენა, მაგი იმი-
ტომ არ ჩამოგვართვა ხელი, რომ კანონის ზაკონით
იქნება აღბათო... სხვაფერ მოგვექცეს კარგათ და
მაგი აფერია მეთქინ ვუთხარი... ვიკითხეთ პოლ-
კში, რანაირია აი ჩვენი უფროსი თქვა. ნულარ
გვკითხავ, მაგი ტრუ-
ბაში აძვრენს ყველასო, ყოლიფერი კაი აგხთათ,

ჩვენ აგვისტოვად ჩვენი ამხანაგების სიტყვა. ყველა უბრალო რამეზე ნაკაზანიას გვაძლევდა, სულ „ზოდ რუჟიომ“ ვართ; დღე და ღამე ქვევართ ქკუასელის მოზვერსავით დაყუდებული, ჩამოვწყდით ფეხებზე; რას იზამ, კი ვეფერ საყვედურს ეტყვიტ ამიზა, ვანი-ნია, ჩვენ სალდათები ვართ, დისციპლინა არის, მარა მე იმაზე მტკივა გული, რომ ჩვენი კაცი არის, მეზობელი, თვარა ისე რას ვივი. გამიძალდა სი-ცოცხლე, ყველგან ტყავი გაგვძვრა, რაღაი აქანე შევიკლა თავი, ქე მაინც წვალთ პოზიციაზე, იქი-ნე ისე არ მოვკტები, რომ ერთი ვინცხა არ მოვ-კლა, აქანე ტყულათაი ვიხრჩევი კაცი... ხვალ თუ, ზეგ შევავალებთ პოზიციაზე, რაც იქნება იქნება.

ზიფლიფონცქეს ბიკი.

იბერული სქანა

ნაცრით წამლობა

ისე ღმერთი უშველის ჩვენი ყაფლამას ოჯახს, რავარც იმან სამულდამოთ გამოუთხარა ძირი ჩემსას ღვინის მოსავალს. წროულს გევიხედე კაცო და... მიძახის ჩვენი ყაფლამა:

— ბიკო მოდი აქ, მოდი აქო: მეც მივედი. მითხრა:

— ბიკო შენ წროულს შაბიბანი ხომ არ ვაქ?

— არა თქვა, ვუთხარი.

— აბა იცი რა გითხრა? — ეპ რაღა რა გითხ-რა შეუგნებელობაც ამას ჰქვია! წამალი ჩვენ ხელ-ში კეთდება და ჩვენ დავგიღია პირი და სხვას მივ-ჩერებდით;

— რა არის, კაცო, მაგისთანა?

— შე კაცო, არ იცი ახლა შენ?

— არ ვიცი, როგორც კაცი!

— ჰმ, აფერი წამალი არ ჯობნებულა თურმე ნაცარს!

— რავარ ნაცარს, კაცო?

— რავარ ნაცარს, და ცეცხლის ნაცარს!

— მართლა ამბობ ბიკო შენ მაგას?

— მართლა, როგორც კაცი! —

— მერე თუ კაცი ხარ რაღა უნდა უწამლო?

— აი რაღა: ეილე საბერველი მაშინა, ჩაყარე შით ნაცარი, დაუბერე ტევენებზე და მორჩა! აღარც შაბიბანი უნდა და აღარც თეთრი აბანი!

— მეც დავიჯერე და შევავარე... დადგა შე-მოდგომა გევიარე ჩემ ნამყენ ვენახში, მივაცქერდი ყურძენს... დევინახე მარა რა დევინახე! რაც მე ნაცარი მივავარე, სულ ზედ აქ მიგდესილი წვიმი-საგან ისე რომ ერთი კვირა ხეხო ერთ ფინჩხას ვერ მოაფხეკ!

დამწიფდა ყურძენი, და მოვკრიფე კიდეც მა რა გამოვიდა: ღვინის მაგიერათ გამოვწურე რაცხა, არც ღვინო, არც ტალახი! რა უნდა მექნა... მო-ვხსენი ჩემ ოთხსაფიან ქვევრს თავი და მუღუში იმიან ამიანა შით, იქნება დეილექოს თქვა. გაუკე-თე სასულე მივავარე აყალო მიწა და გაუშვი.

გევიდა ერთი კვირა, მოვხადე ჩემი ოთხსაფი-ანი და ვტუტე შით ორშიმო, ამევიდე, ვნახე... ფერი ისევე ისე ქონდა, ახლა ვნახე გემოთ მარა რანახე! ნამღვილი ნაცარ ტუტა!

გამიფუქდა მოსავალი. კი გამიგონია: „ნაცარ ტუტა გაგიჩნდა ოჯახშიო“ მარა ასე თუ ჩთებოდა ავი აღარ მეგონა.

ქვაშაველ

წერილი ნაოლალივიდან

ბატონ ეშმაკსა სალამი!

(სალამიც ერთი ვალია).

მოვდივართ თხოვნით: ჩვენსკენაც

მოგპყროს თქვენი თვალია!

არაფინ იღებს ჩვენზედ ხმას,

ამიტომ გვტყავა გულია, —

სახედ გვყავს ნაოლალივი

მრავალჯერ წამებულაია.

სიდან დავიწყო არ ვიცი,

რას ვარგო პირველ რიგია...

თან გვმართებს ცოტა სიფრთხილეც

არ გვესმას „ბრიგი-ბრიგია“.

დავიწყით თუნდაც ხალხითა,
რომელიც დაცემულია;
სდუმს სიმწრით, იკნეტს ტუჩებსა,
ძლივს უცემს მაჯა-გულია.
აიმღვრა სიღრმე ცხოვრების,
შეინძრა ძალთა ძალია,
და ნაძირალთაც დრო ნახეს,
მათ გაუბრწყინდათ თვალია.
ცალ-ცალკე თითო აღვუხსნო
ვერ აუვიდე წერითა?
მოწმად ხომ ისიც მეყოფა,
რომ ცა სტირს მიწის მზერითა.

თვით დაბა ნაოღალევი?
თქვენს მტერს ისეთი ენახოს
და კაცი-პირველ მიზეზი
მაგისი, ღმერთმა დალაზვროს!
ზურგ ანაწვავსა პოგრომით
დღესაც კი ბოლი აუღის;
მშობელი ტდილობს აღდგენას,
მაგრამ ველარ-რა გაუღის.
აქა-იქ თუ კი რამ არის,
ფასი მთლად ზეცად აუღის.
„უჩასტკის“ ხელი ძირსა სწევს
და ხშირად ჯიბეთ ჩაუღის.
კარგი ხანია არსებობს
აქ დუქან კობერაცია,
მაგრამ სახელის მაგვარი
მას არაფერი აცხია.
სამაგიეროთ რა გინდა,
რომ არ ხდებოდეს ბაზარში:
კარტოჟნიკობა და ჩხუბი,—
ქეიფი წუმზე-ნაგავში.
ხომ ფოსტაც დაბას ეკუთვნის,
მისი უფროსი ერთია,
შამოსულ ხალხთან მოკუბედო
და უმცროსებთან ღმერთია.
დაბას ეკუთვნის „ბალნიცაც“,
მასაც შავი დღე სწვევია:
ძველი „დობტური“ წასულა,
ახალი აღარ წვევია.
თუმც არის კიდევ ახალი,
მაგრამ ის განზე გამდგარა
და „სოფლის ფერშალთ“ ხელშია

„ბალნიცა“—იგი წამხდარა.
მანდ გიორგია უფროსი,—
„ექიმად“ ის ნაქებია,
და ვინ რა იცის: მისს ცოდნას
ხავსი თუ მოჰყიდებია.
მანდვე არს მანდილოსანი,
თავზე წაუკრავს „მანტია“;
და ჩასუქებულ ბეჭებზე
„თუმნების“ კვალი ატყვია.
ქართული „სრულად არ იცის“,
„ქაცო“-ს და იტყვის მხოლოდა;
თუმცა გვარი აქვს ქართული,
რუსი ქმარი თუ ჰყოლოდა.
(მაგრამ ქართულის არ ცოდნა
ეს ხომ საერთო სენია,
მოსწავლე-მასწავლებელთგან
მხოლოდ რუსული გვსმენია).
საქმიანობა დღეს გვმართებს:
დღეს გვადგას ვასაჭირია;
მაგრამ ვერ ვხედავთ მოსაქმეს,—
ეგ არის ასატირია!
კიდევ ბევრი გვაქვს სათქმელი
სამომავლისო დღისაო,
ნაქნარი ბნელი ღამისა
და ხვედრი ნათელ დღისაო.
მაგრამ სხვა იყოს მერმისთვის
და ან ადვილი როდია:
მთლათ ამით დასურხატებას
ვერც კი აუვა გოგია.

ბ-ი.

ო ე კ ე უ ე გ ი

(ბუტყუნას ხააგენტო)

ფოთი გურიაში სასულიერო საქმეების სამი-
ებლათ წასული ბ.ნი მხიფავი იტყობინება— „ძველ
მამასახლისთა ბიუროს“ შემთხვევით აღმოჩენაზე.
ხსენებულ ბიუროს“ მიზნით აქვს თურმე ახალი
არჩევნები ჩაშალოს და ოცისთავეებს საშუალება
წაართვას ახალი მამასახლისებებს არჩევისა. პირვე-
ლათ უნდა დაიხსნას „ბიუროს“ ღანჩხუთისა და

დიმიტის საზოგადოებანი ამ ოცის-თავთა „პუნტოვ-ჩიკობიდან“.

ფოთის ქალაქის თვითმართველობამ კერძო „სოვეშჩანიეზე“ დაადგინა ბნი ტყემალაძის ხელახალი არჩევა, მარა ოფიციალურ ხმოსანთა კრებაზე მოულოდნელათ გადაიდვა არჩევნები. ბორჯიტი ენები ამბობენ ეს გადადება ტყემალაძის გაშვებას ნიშნავსო, ხოლო ამ ექვებს აძლიერებს ტყემალაძისაგან ამ მოვლენის შემდეგ „ოტსტავკის“*) შეტანა თვითმართველობაში. მოსალოდნელია ბევრი ახალი რამ, მარა ყოველ შემთხვევაში კარგი არაფერი.

ქნი „როკაპი“ იტყობინება მრავალი მისალოცი დეპეშების მიღებას „ფოთელ ქალთა საზოგადოების“ დაარსების გამო, მარა საპასუხო მადლობის გამოცხადება „როკაპს“ გადაუდგია სანამ პირადათ დაათვალიერებდეს დანიშნულ „ქალთა საზოგადოების“ საქმეებს, რაც ამ მოკლე ხანში უნდა მოხდეს.

შეპითხვა ეშმაკს

ბალახანა. მოეხსენება თუ არა ბ. ეშმაკს, რომ ჩვენ აქაური ქართველები, არც კი ვიცნობთ სახალხო სახლზე; არ მოგვეძვეება არც საბავშო ბალი, არც სკოლა; თითქმის არც კი ვიცით რას ჰქვია წარმოდგენა. რომ ჩვენ არ ვიცით რიცხვი ჩვენი მატულობს თუ კლებულობს და რომ ჩვენ არც კი ვგსურს...

ჰო, შემდეგშიაც ასე ყოფნა. მგრამ მდგომარეობის გასაუმჯობესებლათ 99⁷/₈⁰/₁ ყურს მიინც

*) ოტსტავკა—ჩვენი თანაგრძნობის დარჩენას უნდა ნი აწნავდეს.

არ ვიბერტყავთ. და თუ ყველა ეს მოეხსენება, რა ზომის მიღებას აპირობს რომ ასე არ გაგრძელდეს და როდის? და ვართ თუ არა ჩვენ უკვე კულტურულ ხალხთა სიაში მოკალათებული, თუ ჩვენთვისაც საქირაო ეგზამენი ისე, როგორც ერთი ბიუროკრატის სიტყვით, ერთს ქალაქში მცხოვრებ სართებს ესაქიროება თურმე?*)

დია.

გამოცანა

(სუფსისათვის)

თქვენც გინახავთ: ტან-დაბალი, წელ-წერწეტი, ბეჭებ—ფართე, უღვაშ-წაკვიტინებული, ენატკბილათ მოკამათე.

მისი საოცნებო გახლავთ დრო წასული, ძველის-ძველი, განახლების ორგულია და ქურდების მედგარ-მცველი.

სამართალი თუ დასჭირდა, ხმალ-ხანჯლისკენ მიაქვს ხელი, და ბაზრისა მყრალი ქუჩა მისი არის ბრძოლის ველი.

ამ ოცნებით დროს ატარებს სიტყვით ჩქარი, საქმით ნელი გაკეთებას სხვისგან ელის ახალ მოდის „ლამანჩელი“.

გამოცანა.

*) პასუხი გადაეცა კომისიას.

მიიღება ხელისმოწერა 1916 წლისათვის
 ყოველ-კვირეული იუმორისტული გამოცემა


ეშმაკის მათრახი

ჟურნალის სამხატვრო და სალიტერატურო მხარეს განაგებს ეშმაკი,
 სოლო გამოცემის სახმეს კანტორა „გ ა ნ ა თ ლ ე ბ ა“

ჟურნალის ფასი: 12 თვით 6 მ. —
 6 თვით 3 მ. 50 კ.
 3 თვით 1 მ. 80 კ.
 1 თვით — 60 კ.

ეშმაკის მათრახში დაბეჭდება მხოლოდ იუმორის-
 ტული შინაარსის წერილები, ლექსები, მოთხრობები,
 ზღაპრები, არაკები, შარადები, გამოცანები,
 ნაკვეთები და სხვა.

რედაქცია სთხოვს ყველა თანამშრომლებს მასალები გამოგზავნონ ამ ადრესით:



Тифлиси *)
 С. Р. Таварткиладзе,
 Ольгинская 6,
 Почтовый ящик № 96
 (ეშმაკის მათრახისათვის)

*) ეს ადგილი კონკრეტულ მარკისათვის არის დანიშნული და გულმადვიწყებს მოვადონებთ, რომ უმარკო წერილებს რედაქცია არ დაიხსნის.